

UNIVERZITET U TUZLI

SENAT

Broj: 03-6201-7.1/16

Tuzla, 07.09.2016. godine

Na osnovu člana 73. stav (4) Zakona o visokom obrazovanju, („Službene novine TK“, broj: i člana 263. stav (3) Statuta Univerziteta u Tuzli (Drugi prečišćeni tekst), na prijedlog Ureda za nastavu i studentska pitanja, Senat Univerziteta u Tuzli na sjednici održanoj 07.09.2016. godine, donio je

ODLUKU

o raspisivanju Javnog poziva istaknutim stručnjacima iz prakse za angažovanje u naučno-nastavnom procesu za izvođenje vježbi na fakultetima/Akademiji Univerziteta u Tuzli u akademskoj 2016/17. godini

I

Angažman istaknutog stručnjaka iz prakse vrši se na osnovu odluke naučno-nastavnog/Umjetničko-nastavnog vijeća fakulteta/Akademije i Odluke Senata Univerziteta o usvajanju plana realizacije nastave za akademsku 2016/17. godinu.

Odabir istaknutih stručnjaka iz prakse vršiće se prema naučnim i stručnim referencama prijavljenih lica.

Prava i obaveze lica angažovanih u izvođenju nastave u svojstvu istaknutog stručnjaka iz prakse bliže se regulišu ugovorom o angažovanju u izvođenju nastave (ugovor o djelu), u skladu sa opštim aktima Univerziteta u Tuzli.

II

Pravo prijave na Javni poziv imaju lica:

- koja posjeduju najmanje visoku stručnu spremu - završen odgovarajući fakultet u trajanju od 4 godine;
- da posjeduju iskustvo u struci u trajanju od najmanje 3 godine.

III

Uz prijavu na Javni poziv (sa naznakom fakulteta i uže naučne oblasti/uže umjetničke oblasti/nastavnog predmeta), zainteresirana lica dužna su priložiti:

- ovjerenu kopiju diplome o završenom odgovarajućem fakultetu;
- uvjerenje o ostvarenom radnom iskustvu u struci sa naznakom poslova na kojima je iskustvo ostvareno;
- biografiju koja obavezno sadrži ličnu biografiju, obrazovanje, kretanje u službi i druge relevantne podatke.

IV

Prijava na Javni poziv, sa potrebnim priložima, dostavljaju se u zatvorenoj koverti neposredno u Dekanat odgovarajućeg fakulteta/Akademije sa naznakom: (Prijava na Javni poziv – stručnjaci iz prakse, sa naznakom fakulteta, uže naučne oblasti/uže umjetničke oblasti/nastavnog predmeta na koji se prijavljuje – NE OTVARATI!).

V

Javni poziv ostaje otvoren do **23.10.2016.** godine.

Prioritet u angažovanju imaju lica sa prebivalištem/boravištem na području Tuzlanskog kantona.

VI

Nepotpune i neblagovremene prijave se neće uzeti u razmatranje.

VII

Javni poziv će se objaviti na web stranici Univerziteta u Tuzli.

DOSTAVITI:

1x Fakulteti/Akademija Univerziteta
1x Služba za pravne, kadrovske i opšte poslove
1x Senat

PREDSJEDNIK SENATA

Dr.sc. Aida Crnkić, redovni profesor